

Headlines

1. गृह मंत्री अमित शाह होरें पुलस महानिदेशकें ते पुलस महानिरीक्षकें दे अखिल भारती पुलस सम्मेलन दा अज्ज उद्घाटन कीता। प्रधानमंत्री नरेन्द्र मोदी होर कल एहदे च हिस्सा लैडन।
2. एलजी मनोज सिन्हा होरें आखेआ ऐ जे देसै दी अखंडता, रमानदारी ते विकास लेई सर्वोच्च बलिदान देने आहले दलेर जवानें दा राष्ट्र सदा कर्जदार रौहगा।
3. जम्मू दे अतिरिक्त पुलस महानिदेशक होरें आतंकवादिऐं गी आसरमे देने आहलें गी खबरदार करदे होई आखेआ ऐ जे नागरिकें गी सोहगे सतर्क रौहदे होई कुसै बी संदिग्ध नक्लो-हरकत दी जानकारी सुरक्षाबलें गी देनी लोडचदी ऐ।
4. जम्मू-कश्मीर च कांस्टेबलें दिऐं 4 जहार असामिएं लेई साड्डे 5 लक्ख शा मते मेदवार म्तेहान देडन। मुख सचिव होरें जिला प्रशासनें गी एहदे लेई लोडचदे प्रबंध जकीनी बनाने दे निर्देश दित्ते न।
5. पी.वी. सिंधु ते लक्ष्य सेन, सैय्यद मोदी अंतर्राष्ट्री बैडमिंटन प्रतियोगिता दे सेमीफाइनल च पुज्जी गे'न।

<><><><><><>

Shah-Inagurates

केंद्री गृह मंत्री अमित शाह होरें भुवनेश्वर च अज्ज पुलस महानिदेशकें ते महानिरीक्षकें दे अखिल भारतीय सम्मेलन दा उद्घाटन कीता। त्रै दिनें तोड़ी चलने आहले सम्मेलन च अंदरूनी सुरक्षा, साइबर अपराध, माओवादी खतरे, तटीय सुरक्षा ते मसनुई ज्ञान ते ड्रोन जेनेई अज्जै-कल्लै दिऐं टेक्नालजिएं थमां उभरदी चुनौतियें पर विचार-बटांदरा करना शामिल ऐ। सम्मेलन च राष्ट्रीय सुरक्षा सलाहकार, केंद्री गृह सचिव, सब्बै राज्यें ते केंद्र शासित प्रदेश दे पुलस महानिदेशक ते CRPF, NSG, IB ते SPG दे प्रमुख ते होरनें अफसर बी शामिल हे। आतंक रोधी रणनीतिऐं दे बारे बी चर्चा होने दी मेद ऐ। प्रधानमंत्री नरेन्द्र मोदी होर बी इस सम्मेलन च कल ते फही अगले ध्याडे बी शामिल होडन। प्रधानमंत्री हुंदे दफ्तर नै जानकारी दिती जे श्री मोदी हुंदा इस कार्यक्रम च शामिल होने लेई इच्छुक न तां जे नमियें काडें दे बचारे गी चर्चा राऐं अगगे बढ़ावा दिता जा। तोआई प्रधानमंत्री होर भुवनेश्वर पुज्जे ते उत्थे इक्क जनसभा गी बी संबोधित कीता।

<><><><><><>

LG-Yagya

लेफ्टिनेंट गवर्नर मनोज सिन्हा होरें अज्ज रियासी जिले दा दौरा लाइयै पौनी थाहर आयोजित भव्य अति महा विष्णु यज्ञ च हिस्सा लैता। एह यज्ञ इक बड्डा धार्मिक ते सांस्कृतिक कार्यक्रम हा जेहदा आयोजन जम्मू-कश्मीर दे लोकें लेई रमानदारी, खुशहाली ते कल्याण आस्तै कीता गेदा हा। पौने च यज्ञ आहली थाह पुज्जने पर मकामी अधिकारिएं, धार्मिक नेताएं ते खरी मती गिनतरी च श्रद्धालुऐं एल.जी हुंदा सोआगत कीता। इस मौके किट्टु अगगे भाषण दिंदे होई एल.जी होरें आखेआ।

<><><><><><>

ADGP-Jammu

जम्मू जोन दे अतिरिक्त पुलस महानिदेशक आनंद जैन होरें चेतावनी दिंदे होई राष्ट्र बरोधी नियत या आतंकवादियें दा साथ-सहयोग देने आहले लोकें गी गंभीर नतीजे दा सामना करना पोग। उनें आखेआ जे जम्मू च आतंकवादी हमले ते इये नेय घटना खित्ते च शांति ते रमानदारी गी खराब करने दे मकसद कन्नै कीते गे हे। जम्मू पुलस ते होरनें सुरक्षा एजेंसिएं आसेआ आतंकवादी तंत्र उप्पर नकेल कस्सने गितै इक प्रेस कांफ्रेंस गी संबोधित करदे होई ADGP होरें आखेआ जे शैहरदारें गी सौहगा रौहना लोडचदा ते कनून नाफिज कराने आहलियें एजेंसिएं कन्नै सहयोग करियै कुसै इक शुबे आहली नक्लो हरकत दे बारे दस्सने दे बारे बी आखेआ। उनें जम्मू-कश्मीर पुलस दे धेइयै गी दोहराया जे ओह खित्ते दी शांति, रमानदारी गी आतंकवादियें दे इको तंत्र

ते प्रणाली पर नकेल कस्सियै काबू करने दी गल्ल आकखी। उनें अगगे आखेआ जे 7 फरार आतंकवादी जेड़े जे इस बेल्ले पी.ओ.जे.के थमां अपने भैड़े मनसूबें गी जारी रक्खियै कम्म करा'रदे न दियें कुल संपत्तियें गी अटैच कीती गेई ते होरनें 29एं फरार आतंकवादियें दी संपत्ति दी पंछान करिये अटैच करने दी प्रक्रिया चलाई दी ऐ। पुंछ जिले च दऊं हाइब्रिड आतंकवादियें दी गिरफ्तारी पर ADGP Jammu होरें आखेआ जे पिछले बरे दौरान होए दे ग्रेनेड हमलें दी गुत्थी सुलाई लैती गेई ऐ ते 2 आतंकवादियें गी जिले च गिरफ्तार कीता गेआ ऐ ते उंदे ठकाने थमां हथियार, गोला-बरूद बरामद कीता गेआ ऐ।

<><><><><><>

J&K Panchayats

पंचैती राज मंत्रालय नै जम्मू-कश्मीर च 500 नमें पंचैत घर यानी ग्राम परिषद दफ्तरें गी मंजूरी दिती ऐ। प्रदेश दे ग्रामीण विकास ते पंचैती राज विभाग दे सचिव मोहम्मद ऐजाज़ अस्सद होरें कल एहदा ऐलान कीता। उनें गलाया जे प्रदेश दे किश ब्लॉक ते पंचैतां खरा प्रदर्शन करै करदे न, जदके होरनें च सुधार दी लोड़ ऐ। उनें आखेआ जे जरूरतमंद खेत्तरें दी पन्छान करी लैती गेदी ऐ ते उत्थें मुद्दें गी हल करने लेई समें सीमा तय कीती गेई ऐ। अस्सद होरें इब्बी दस्सेआ जे खस्ताहाल पंचैत घरें गी कम्मकाज जोग बनाया जा करदा ऐ।

<><><><><><>

NHAI

जरनैली शिड़कें सरबन्धी भारती प्राधिकरण-NHAI नै अपने फील्ड दफ्तरें गी अज्ज एह निर्देश दिता ऐ जे ओह राष्ट्र जरनैली शिड़कें पर सफर करने आलें दी सुरक्षा लेई दिक्खी सकने दे लेहाज कन्नै लोड़चदे हीले करना। इनें हीलें गी द'ऊं श्रेणिएं च बंडुया गेदा ऐ। इंदे चा इक इंजीनियरिंग ते दुआ सुरक्षा जागरूकता ऐ। इंजीनियरिंग सरबन्धी हीलें च जरनैली शिड़कें पर सुरक्षा सरबन्धी चिन्ह स्थापित करना ते सुरक्षा जागरूकता हीलें तैहत लोकें गी जरनैली शिड़कें पर घट्ट रोशनी आहली स्थिति बारै जागरूक बनाया जाना शामिल ऐ। NHAI दे फील्ड दफ्तरें गी इब्बी निर्देश शिड़कें पर रातीं दे बेल्ले नियमित निरीक्षण यकीनी बनान ते निरीक्षण आहली इस टीम च NHAI दे अधिकारी, होर दुए इंजीनियर ते ठेकेदारें गी बी शामिल कीता जाना लोड़चदा ऐ। एहदे अलावा बड़ी मती धुंध ते कोहरे आहली थाहें पर गश्ती दलें गी तैनात रक्खेआ जाहगा।

<><><><><><>

AIIMS-Jammu

एम्स जम्मू दे ई.एन.टी विभाग नै 1 ज्हार ई.एन.टी एन्डोस्कोपियां पूरियां करियै इक महत्वपूर्ण उपलब्धि अपने नांस करी लैती ऐ। एह उपलब्धि मरीजें गी कन्न, नक्क ते गले सरबन्धी तकलीफें लेई म्यारी दिक्खभाल सुविधां उपलब्ध करोआने दी अस्पताल दी बचनबद्धता गी दर्शादी ऐ। जारी इक बयाना च अस्पताल नै आखेआ ऐ जे ओह मरीजें गी हर खेत्तर च म्यारी सेहत स्थूलतां उपलब्ध करोआने लेई लगातार जत्त करदा रौहगा। एम्स जम्मू नै इब्बी आखेआ ऐ जे एह उपलब्धि छड़े आंकड़ें गै नेई हैन सगुआं एह इस इदारे गी लेइयै मरीजें अंदर बने दे विश्वास गी बी दर्शादी ऐ।

<><><><><><>

CS-Exam

मुख्य सचिव अटल डुल्लु होरें अज्ज सिविल प्रशासन ते पुलस मैहकमे दे ऐहलकारें दी इक बैठक लाइयै जम्मू-कश्मीर सर्विस सलैक्शन रिक्रूटमेंट बोर्ड (एसएसआरबी) दे राहें पुलस कांस्टेबलें दी ताल लेई म्तेहाने लैने गितै डिप्टी कमिशनरें आसेआ कीती गेदी तैयारिएं दा जायजा लैता। मुख्य सचिव होरें अधिकारिएं पर जोर पाया जे ओह म्तेहानें लेई अमले दी तैनाती दे लेहाज कन्नै लोड़चदे सब्बै प्रबंध जकीनी बनान। उनें डिप्टी कमिशनरें गी आखेआ जे ओह जिन्ने मुमकन होन, म्तेहान केन्द्रें दा आपूं दौरा लान ते बाकी दे म्तेहान केन्द्रें दे दौरे लेई जिला प्रशासन दे सीनियर अधिकारिएं गी नियुक्त करना। एहदे शा पैहले एसएसआरबी दिएं चेयरपर्सन इंदु कंवल चिव होरें बैठक दरान एह जानकारी दिती जे पुलस कांस्टेबलें दिएं 4 ज्हार 2 असामिएं लेई पैहली दिसम्बर थमां 22 दिसम्बर दे दरम्यान होने आहले म्तेहान लेई 5 लक्ख उनाठ ज्हार 135 मेदवारें आवेदन कीते दा ऐ।

<><><><><><>

UGC UG Degree

युनिवर्सिटी ग्रांट कमिशनर-यूजीसी तौले गै ग्रेजुएट विद्यार्थीएं लेई डिग्री कोर्सें दी अवधि घट्ट करने जां उसी बधाने दा विकल्प प्रदान करोगा। यूजीसी नै तुरत ते विस्तारित डिग्री कार्यक्रम लेई मानक प्रचालन प्रक्रियाएं गी मंजूरी देई दिक्ती ऐ। आयोग दे अध्यक्ष जगदीश कुमार होरें मीडिया गी दस्सेआ जे तुरत डिग्री कार्यक्रम कन्नै विद्यार्थीएं गी हर इक सेमेस्टर च बाद्दू क्रेडिट हासल करियै त्रै बरें जां चार बरें दी डिग्री घट्ट समें च हासल करी सकने दी सौख होई जाहग।

<><><><><><>

Waiting-Hall

श्री माता वैष्णो देवी श्राइन बोर्ड नै माता वैष्णो देवी जी दे दरबार च मत्था टेकने लेई औने आहले श्रद्धालुएं दी सुविधा लेई भवन कश इक वेटिंग हॉल श्रद्धालुएं गी समर्पित कीता ऐ। लोडचदी सब्बनं सुविधाएं कन्नै लैस एह वेटिंग हाल, हर बरें श्रद्धालुएं दी गिनतरी च होआ करदे बाह्ने दे मद्देनजर बेहतरिन सुविधां उपलब्ध करोआने दे जतनें दे इक हिस्से दे तौर उप्पर श्रद्धालुएं गी समर्पित कीता गेआ ऐ। 16 सौ मकाब-फुट आहले इस हाल च इक समें पर 100 श्रद्धालुएं दे रूकने दी बवस्था कीती जाई सकोग ते एह हाल भवन परिसर च स्थित राम मंदरै दे नेडे ऐ। एहदे च श्रद्धालुएं लेई बौहने, पीने दे पानी, लॉकरें, शौचालयें वगैरा दी बवस्था जकीनी बनाई गेदी ऐ।

<><><><><><>

Charkha

चरखा कत्तने दी स्हाडे बुजुर्गे दी परानी रिवायत च नमें सिरैया जान भरने दे मकसद कन्नै कठुआ जिले च 17 ज्हार ग्रामीण महिलाएं चरखा चलाना सिक्खने लेई बरनोटी ब्लाक दे फ्लोट ग्रां च शंकर ग्रामीण महिला विकास समिति कन्नै अपने नांऽ दर्ज करोआए न। इस समिति दे अध्यक्ष सुरेश कुमार होरें आखेआ ऐ जे ओहू खादी इंडिया, खादी ग्राम उद्योग आयोग दे तैहत् अपना केन्द्र चलाऽ करदे न जित्थे महिलाएं गी चरखा कत्तने दी सिखलाई दिक्ती जा करदी ऐ।

<><><><><><>

Biotech-Park

सरकारी डिग्री कॉलेज सांबा दे इन्नोवेशन काउंसल आसेआ जम्मू-कश्मीर दी विज्ञान, टेक्नोलॉजी ते नमिं काहडें सरबंधी काउंसल दे सैह्योग कन्नै कठुआ दी गाटी थाह बायो-टेक्नोलॉजी पार्क गी बढ़ावा देने ते एहदी अमल-आवरी बारै इक ध्याडे दे जागरूकता कार्यक्रम दा सरिस्ता कीता गेआ। एहदा मकसद विद्यार्थीएं, शोधकर्ताएं ते नमें उभरै करदे उद्यमिं गी बायोटेक्नोलॉजी दे खेत्तर च नमें मौकें बारै जानकार बनाना हा। इस सरबंधै च आकाशवाणी कन्नै गल्ल करदे होई सरकारी डिग्री कॉलेज सांबा दिं प्रिंसिपल दिंवकल सूरी होरें आखेआ

<><><><><><>

Badminton

भारती बैडमिंटन खड्गारी पी.वी. सिंधु ते लक्ष्य सेन, सैय्यद मोदी अंतर्राष्ट्रीय सुपर 300 बैडमिंटन प्रतियोगिता दे सेमीफाइनल च पुज्जी गे न। लखनऊ दे बाबु बनारसी दास इन्डोर स्टेडियम च होए दे अपने-अपने मुकाबलें च दौनें खड्गारिं सिद्धे सैंटें च जित्त हासल कीती। लक्ष्य सेन होरें हमवतन मीराबा लुवांग मेसनाम गी 21-8, 21-19 कन्नै हराइयै मुकाबला अपने नांऽ कीता जिसलै के पी.वी. सिंधु होरें चीन की दाई वांग गी 21-15, 21-17 कन्नै शिकस्त दिक्ती। उंदा एहू मुकाबला 48एं मिंटे तगर चलेया।

<><><><><><>

Weather

जम्मू-कश्मीर च अज्ज रातीं थमां मौसम खराब होने ते केई थाहें पर बरखा ते उच्चे प्हाडी इलाकें च हौली बर्फबारी दी मेद ऐ। मौसम विभाग नै कल्लै थमां लेइयै अगले त्र'ऊं दिनें तगर प्रदेश दिं मती सारी थाहें पर मौसम खराब रौहने दी पेशगोई कीती ऐ। विभाग विभाग दा आखना ऐ जे अज्ज रातीं थमां मौसम च बदलाव होग ते केई थाहें पर हौली बरखा ते उच्चिं धारें पर हल्की बर्फबारी होई सकदी ऐ। 3 दिसम्बर शा लेइयै औंदी 6 दिसम्बर तगर मौसम खुश रौहने दी मेद बी जताई गेई ऐ।

<><><><><><>